



# Case Study

## Astudiaeth Achos Chwaraeon Anabledd Cymru: Gwella – Mewnwelediadau o Hyfforddiant PIWS



- **Dirpwyedig:** Nathan Stephens | Pennaeth Datblygiad Perfformiad
- **Lleoliad:** Maes Sioe Frenhinol Cymru, Llanellwedd, Llanfair-ym-Muallt LD2 3SY
- **Cwrs:** Cwrs Hyfforddi 4-diwrnod Pencampwr PIWS
- **Dyddiad:** 26/02/2025

## Cwrs Hyfforddi 4-diwrnod Pencampwr

### Cefndir

Mynychodd Nathan Stephens, Pennaeth Datblygiad Perfformiad ar gyfer Chwaraeon Anabledd Cymru, y cwrs hyfforddi PIWS ar hygyrchedd digwyddiadau. Mae rôl Nathan yn canolbwyntio ar sicrhau bod llwybrau chwaraeon yn gynhwysol i athletwyr para a phobl anabl, gan eu cefnogi o gyfranogiad cymunedol i gystadlaethau elït, gan gynnwys dewis ar gyfer y Gemau Paralympaidd a'r Gemau'r Gymanwlad. Yn ogystal, mae Nathan yn gyfrifol am ddod â chystadlaethau para-chwaraeon rhyngwladol i Gymru, gan wneud hygyrchedd yn brif flaenoriaeth yn ei rôl.

### Cymhelliant dros Fynychu'r Hyfforddiant

Mynychodd Nathan yr hyfforddiant gyda meddwl agored, gan gydnabod bylchau yn ei wybodaeth bersonol a dymuno ehangu ei ddealltwriaeth o hygyrchedd y tu hwnt i'w brofiadau personol fel unigolyn ag anabledd. Ei brif nod oedd sicrhau dealltwriaeth gynhwysfawr o anghenion hygyrchedd ar draws gwahanol fathau o anableddau, gan sicrhau bod digwyddiadau a chystadlaethau Chwaraeon Anabledd Cymru yn cael gwared ar rwystrau posibl i gyfranogwyr. Roedd hefyd am wreiddio arferion gorau hygyrchedd yn y broses gynllunio digwyddiadau ehangach, y broses ddewis lleoliadau, a'r cydweithrediadau gyda chyrrff llywodraethu cenedlaethol.

### Prif Gasgliadau o'r Hyfforddiant

Ymhlith y mewnwelediadau allweddol a gafodd Nathan o'r hyfforddiant roedd:

- **Iaith a Terminoleg:** Deall sut mae iaith ynghylch anabledd yn amrywio a sicrhau bod trefnwyr digwyddiadau yn defnyddio terminoleg gadarnhaol a chynhwysol. Nododd Nathan bod darparu ffeithiau allweddol, gan gynnwys beth i'w ddefnyddio a beth i'w osgoi, yn bwysig wrth gefnogi sefydliadau eraill.
- **Ystyriaethau Hygyrchedd Corfforol:** Nodi rhwystrau cyffredin fel cyfleusterau toiled annigonol, mynedfeydd, ac arwyddion diffygiol. Bellach, mae Nathan yn ystyried y materion hyn o safbwynt gwahanol.
- **Rhestrau Gwirio Hygyrchedd Safonol:** Gweithredu rhestrau gwirio i sicrhau bod pob digwyddiad yn cyrraedd safonau hygyrchedd hanfodol, gan roi tryloywder llawn i gyfranogwyr cyn iddynt gyrraedd.
- **Hygyrchedd Digidol a Gwybodaeth:** Sicrhau bod pob manylion hygyrchedd yn cael eu cyfathrebu'n glir ac yn hygyrch.

## Effaith ar Ymagwedd tuag at Hygyrchedd

Mae'r hyfforddiant wedi arwain at newidiadau allweddol yn ymagwedd Nathan, gan gynnwys:

- **Cynllunio Hygyrchedd Strwythuredig:** Yn lle mynd i'r afael â hygyrchedd yn adweithiol drwy adborth cyfranogwyr, bydd Chwaraeon Anabledd Cymru yn defnyddio rhestr wirio safonol i sicrhau bod lleoliadau a digwyddiadau yn bodloni'r gofynion angenrheidiol o'r cychwyn cyntaf.
- **Gwell Cyfathrebu â Chyfranogwyr:** Sicrhau bod gwybodaeth am hygyrchedd yn cael ei chyfathrebu'n dryloyw i fynychwyr, fel eu bod yn gwbl ymwybodol o'r cyfleusterau a'r darpariaethau sydd ar gael.
- **Integreiddio i Gynllunio'r Sefydliad:** Sicrhau bod gofynion hygyrchedd yn cael eu hymgorffori yn y fframwaith rheoli digwyddiadau, fel bod gan bob trefnydd digwyddiadau fynediad at ganllawiau safonol.

## Meysydd a Nodwyd ar gyfer Gwelliant

Nododd yr hyfforddiant sawl maes penodol sydd angen gwella neu ddatblygu ymhellach:

- **Hygyrchedd Lleoliadau:** Pennu meini prawf clir wrth ddewis lleoliadau, gan sicrhau bod hygyrchedd yn cael ei ystyried o'r cychwyn cyntaf.
- **Cymorth Cyn-Ddigwyddiad i Gyfranogwyr:** Darparu teithiau rithwir o'r lleoliad a sgriniau gwybodaeth i helpu pobl ag awtistiaeth neu anableddau dysgu i gynefino â'r gofod cyn y digwyddiad.
- **Canllawiau i Drefnwyr Digwyddiadau:** Cydweithio gyda chyrrff llywodraethu cenedlaethol i sicrhau bod gofynion hygyrchedd yn cael eu cyflawni'n gyson ar draws pob digwyddiad chwaraeon yng Nghymru.

## Gwerth Cydweithio o fewn y Diwydiant

Pwysleisiodd Nathan bwysigrwydd gweithio gydag arbenigwyr eraill yn y diwydiant digwyddiadau yn ystod yr hyfforddiant, yn enwedig dysgu gan drefnwyr digwyddiadau mawr fel Cymdeithas Amaethyddol Frenhinol Cymru ac Eisteddfod yr Urdd.

Ymhlith y manteision allweddol roedd:

- **Rhannu Atebion:** Dysgu am heriau hygyrchedd cyffredin ac arferion gorau gan sefydliadau eraill.
- **Cronni Adnoddau:** Archwilio cyfleoedd i rannu seilwaith hygyrchedd, megis teithiau cyffwrdd a systemau tocynnau hygyrch, ar draws gwahanol ddigwyddiadau a sefydliadau.
- **Dysgu Rhyng-sector:** Cydnabod tebygrwydd rhwng y sectorau chwaraeon a digwyddiadau o ran heriau hygyrchedd a'r cyfleoedd i rannu gwybodaeth.

## Gweithredu Strategaeth Hygyrchedd

Mae Nathan yn bwriadu gweithredu strategaeth hygyrchedd strwythuredig ar gyfer Chwaraeon Anabledd Cymru, gan gynnwys:

- **Datblygu Fframwaith Hygyrchedd Safonol:** Sicrhau bod pob digwyddiad yn dilyn dull cyson a dogfennol o ran hygyrchedd.
- **Addysgu Trefnwyr Digwyddiadau:** Darparu hyfforddiant a chanllawiau i gyrrff llywodraethu cenedlaethol, lleoliadau, a threfnwyr cystadlaethau ar arferion gorau.
- **Gwella Cyfathrebu Digidol:** Creu adrannau ar y wefan sy'n canolbwyntio ar hygyrchedd i ddarparu gwybodaeth gynhwysfawr cyn y digwyddiadau i gyfranogwyr a gwylwyr.
- **Rheoli Disgwyliadau Cyrraedd ac Ar y Safle:** Gweithredu teithiau cyffwrdd a sgriniau gwybodaeth i helpu unigolion ag awtistiaeth neu anableddau dysgu i ymgyfarwyddo â'r amgylchedd cyn cyrraedd.

## Buddion Uniongyrchol ac Effeithiau Disgwyliedig

Er bod y newidiadau'n dal i gael eu gweithredu, mae Nathan eisoes wedi sylwi ar:

- **Ymwybyddiaeth Gynyddol ymysg Staff:** Mae aelodau'r tîm yn fwy ymwybodol o ofynion hygrychedd ac yn eu hystyried wrth gynllunio digwyddiadau.
- **Ymgysylltiad Cadarnhaol gan Arweinwyr:** Mae uwch-reolwyr wedi cydnabod gwerth hyfforddiant hygrychedd ac yn agored i gyfleoedd dysgu pellach i'r sefydliad.
- **Prosesau Cynllunio Digwyddiadau Mwy Cynhwysol:** Bydd cynllunio cynnar yn ystyried hygrychedd yn fwy trylwyr, gan fabwysiadu dull rhagweithiol.

## Anghenion Cefnogi a Hyfforddi Pellach

Nododd Nathan anghenion hyfforddi pellach i gynnal gwelliannau hygrychedd:

- **Hyfforddiant Ehangach i'r Sefydliad:** Ehangu hyfforddiant ymwybyddiaeth hygrychedd y tu hwnt i staff digwyddiadau i gynnwys holl bersonél Chwaraeon Anabledd Cymru.
- **Modiwlau Dysgu Ar-lein:** Creu deunyddiau hyfforddi hygrych a hunan-gyflym i sicrhau cyfranogiad ehangach.
- **Cydweithio rhwng y Sector Chwaraeon a'r Sector Digwyddiadau:** Annog cyfnewid gwybodaeth parhaus rhwng sefydliadau chwaraeon a gweithwyr proffesiynol digwyddiadau i rannu arferion gorau.

## Casgliad

Mae'r hyfforddiant PIWS wedi bod yn allweddol wrth alluogi Chwaraeon Anabledd Cymru i wella hygrychedd yn ei ddigwyddiadau a'i gystadlaethau. Mae Nathan a'i dîm wedi ymrwymo i archwilio gwelliannau yn barhaus a sicrhau bod hygrychedd yn rhan annatod o'u strategaeth sefydliadol.

[www.piws.co.uk](http://www.piws.co.uk)